



Rata Maatskaplike Dienste – *Wees die verskil in 'n kind se lewe*

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word.

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Rata Maatskaplike Dienste is al vir meer as 70 jaar betrokke by die lewering van kinderbeskermingsdienste aan die mees weerlose deel van ons samelewing, ons kinders. Ons missie is om individue van gebrokenheid tot heelheid te lei deur die lewering van effektiewe maatskaplike dienste en die personeel streef daaglik daarna om dit uit te leef.

Hierdie dienste sluit onder andere voorkomingsdienste, statutêre dienste en groep- en gemeenskapswerk in. In 2024 is 28 776 individue geraak deur die lewering van die genoemde dienste en sowat 431 kinders was betrokke in nuwe kinderhofsake. Hierdie weerlose kinders is onder andere blootgestel aan omstandighede soos fisiese en emosionele mishandeling en verwaarlosing, seksuele misbruik, wees- en verlate kinders, kinders met onbeheerbare gedrag, straatkinders, blootstelling aan dwelm- en alkoholmisbruik en kinderhandel.

Kinderbeskermingsweek vind hierdie jaar van 29 Mei tot 5 Junie plaas. Daar is ook 'n fokusmaand van 1 Mei tot 5 Junie waartydens ons stil raak en fokus op die beskerming van ons kosbare kinders. Die tema van dié jaar is *Elke gesprek maak saak* en moedig mense aan om op te staan en saam te werk en sodoende te verseker dat elke kind 'n regverdige kans het. Rata se personeel sal ook gedurende hierdie tydperk sigbaar wees in die gemeenskap deur die aanbieding van projekte aan plaaslike skole, ouers en die breë gemeenskap te behartig.

Ons maatskaplike werkers kan nie hierdie onmisbare dienste lewer sonder die hulp van ons kerke wat ook aktief betrokke is by barmhartigheidsdienste asook gemeenskapslede wat daaglik uitreik na kinders in nood.

Rata Maatskaplike Dienste se gholfdag *Drive for a Child* vind vanjaar op 12 Augustus ten bate van Kinderbeskerming plaas en is 'n poging om volhoubare dienste aan ons kosbare kinders te verseker.

Rata nooi u uit om ons hand te vat en deel te word van 'n span wat daarna streef om beskerming te bied aan ons kosbare kinders wat daaglik uitgelewer is aan soveel wreedheid. **Wees die verskil wat julle wil maak in 'n kind se lewe.**

In Matteus 18:10 (ABA) staan daar: *Jesus het ook gesê: "Julle moet nooit dink dat een van hierdie kleintjies wat in My glo, nie belangrik is nie. Want Ek sê vir julle dat hulle engele in die hemel het wat altyd by my Vader is, my Vader wat in die hemel is."*

Rata liefde.

Mev Nicolene Cordier
(Assistentdirekteur: Rata Maatskaplike Dienste)

DRIVE FOR A CHILD 064 437 5997 info@rata.org.za www.driveforachild.co.za			12 AUGUSTUS 2025 Silver Lakes Golfbaan I Skryf 'n vierbal in vir R5 200 2 gholfkaretjies, halfweg ete en aandete ingesluit I Borg 'n putjie vir slegs R2 200 – middagetes ingesluit I Vierbal plus putjeborg vir slegs R6 800
---	---	--	---

Lief en leed



Drr Bernard Prinsloo en
Martin Slabbert



Madeli de Bruin

- Die Moderamen wil graag die volgende studente hartlik geluk wens met die grade wat hulle tydens die **Universiteit van Pretoria** se onlangse **gradeplegtigheid** ontvang het:
 - **Drr CB Prinsloo en MJ Slabbert** het hul doktorsgrade ontvang.
 - **Peet Bloem, Zanedrieka de Lange, Helga du Plessis, Kharla Guest, Carien Janeke en Christo Pieterse** het hul MDiv-grade ontvang.
 - **Rolandi Mc Geer** het haar BTh (Hons)-graad in Praktiese Teologie ontvang.
- Tydens die onlangse gradeplegtigheid van die Universiteit van Pretoria het **prof Christina Landman** 'n eredoktorsgraad ontvang, en **Neels Jackson** die Kanseliersmedalje. Hierdie is twee kollegas wat oor die jare 'n nou band met die NHKA gehad het. **Dr Jack Seala Montja** van die MRCC het sy PhD (in Sendingwetenskap) ontvang. Baie geluk!
- Ons wens ook al die gemeentede en ouers van studente wat grade ontvang het van harte geluk. Ons dink in besonder aan ds Carel Johann de Bruin se dogter, **Madeli de Bruin**, wat haar MSc in Veeartsenykunde verwerf het.
- **Die volgende predikante verjaar tot 23 Mei 2025, en word hartlik geluk gewens:**
 - Vrydag 16 Mei: Di EM (Liza) Jansen (36) (Witbank-Suid), en AC (André) Swanepoel (46) (Derde Kruis)
 - Sondag 18 Mei: Ds MS (Marissa) Kidson (42) (Pretoria-Wes)
 - Dinsdag 20 Mei: Dr PJ (Piet) van Zyl (68) (emeritus), en ds HJ (Hendrik) Odendaal (69) (emeritus)
 - Vrydag 23 Mei: Ds CJ (Johann) de Bruin (54) (emeritus)

Gemeentes en bediening

- Die Moderamen het by hul gewone vergadering gehou op 9 Mei 2025 die volgende besluite geneem wat moontlik vir u van belang mag wees:
 - Die Moderamen spreek waardering uit vir die goeie werk en opofferings van die Kerk se brugpredikante en hul eggenote.
 - **Dr WJ Jansen van Nieuwenhuizen**, predikant wat voltyds studeer en vroeër van Gemeente Hartebeeshoek, word met onmiddellike effek uit die amp onthef.
 - Die Moderamen neem kennis dat **Gemeentes Pretoria en Wonderboom-Suid** op 16 April 2025 saamgesmelt het en dat Gemeente Wonderboom-Suid in Gemeente Pretoria opgeneem is. Gemeente Pretoria sal voortaan in die Ring van Magalies dien.
- Ons lê in die Junie/Julie-uitgawe van *Die Hervormer* besoek af by ds Leslie Kern en sy gesin in Kanada. Hy het kontakbesonderhede van **Afrikaanse kerkdienste in Kanada** met ons gedeel. Afrikaanssprekendes in Kanada word genooi om in te skakel by hul dienste.
 - British Columbia: Ds Leslie Kern: (604) 226 9832
Facebook-blad: Afrikaanse Kerkdiens in BC
 - Alberta: Ds Chris Koch (306) 903 7661
Facebook-blad: Afrikaanse Kerkdienste in Alberta
 - Saskatchewan: Ds Gerhardt Venter (306) 531 7017
- **Kroon van Wonders – 'n Pinksteroratorium** vind op **29 Mei en 1 Junie** by **NG Universiteitsoord** plaas. Die teks vir *Kroon van Wonders* is saamgestel uit die Evangelies se opstandings- en hemelvaartverhale. Die uitvoering word aangebied deur die bekroonde Vox Chamber Choir van Pretoria, onder leiding van Franco Prinsloo, saam met 'n indrukwekkende ensemble van 26 strykers, vier koperblasers, 'n enkele fagot, orrel en perkussie. Kyk gerus [hier](#) na 'n onderhoud met Franco Prinsloo oor die oratorium. Meer inligting en besprekings is [hier](#) beskikbaar.
- U word hartlik uitgenooi na **die emeritaatsgeleentheid van ds Willem Breytenbach** (Hazyviev/Sabie/Witrivier) op Sondag **8 Junie** om 10:00 by Gemeente Witrivier. Daar is 'n ete na die diens. Kontak asseblief vir Henriette (079 492 4317) voor 30 Mei indien u dit wil bywoon.



Dr WJ Jansen van
Nieuwenhuizen

- **Gemeente Centurion-Oos se 60ste bestaansjaar** (30 Junie) word met groot dankbaarheid en vreugde op **7 en 8 Junie** gevier.
 - **Saterdag 7 Junie**
 08:00: **Pretstap** (Ons parkeer by die kerk en word per bus vervoer na die roete en terug).
 08:00-13:00: **Feesmark** by die kerk. Heerlike eetgoed, uitstallings van verskeie produkte, geskenke en vermaak vir die jongspan.
 14:00-19:00: **Spitbraaikuier** vir die hele gesin. Kontak gerus vir Maryna by die kantoor om kaartjies te koop (012 664 2044 / 082 782 7102).
 - **Sondag 8 Junie**
 09:00: **Feesdiens** en nagmaal wat afgesluit word met koffie/tee en 'n eetdingetjie na die diens. Bevestig asseblief per e-pos (kantoor@nhkcenturionoos.co.za) indien u graag die geleentheid op Sondag 8 Junie wil bywoon.

Vergaderings

- Woensdag 21 Mei: NHKA Pensioenfonds
- Vrydag 23 Mei: Raad van Finansies

Kerklike en ander publikasies

- In die **2025 Herfs-uitgawe van Vroueflitse** fokus die NHSV op ouerbetrokkenheid en geestesgesondheid. **Ds Janine Bevol-Manders**, gemeente Witfontein, brei uit op geestesgesondheid in **Om te rou – 'n Bybelse perspektief**. Ouerbetrokkenheid word toegelig deur **Marietjie Schutte**, NHSV Streekvoorsitter: Noord-Kaap-streek, Gemeente Vaalharts in **Liefde is nie liefde voor jy dit weggee nie!** Volg die skakel <https://nhsv.org.za/publikasies/>

'n Gedig

VONKK 426

Skepper, Wind van nuwe lewe,
 waai u wind van seën deur my,
 tot die laaste blare afval
 en ek naak voor U mag staan.

Skepper, Bron van nuwe lewe,
 kom deurstroom my lewensaar,
 tot in elke verste sprietjie
 ek weer nuwe blare bot.

Skepper, Lig van nuwe lewe,
 skyn in my u son se straal,
 tot die koue van my wese
 nuut verlig sal kan herleef.

Skepper, Skilder van die lente,
 skilder met u sagte kwas
 fyn veelkleurig blomme in my,
 dat ek nuut vir U mag blom.

Fondsinsamelings

- **Gemeente Delmas** se jaarlikse **Voetspoorfees** vind op **31 Mei** vanaf 08:00 plaas. Hierdie is 'n plattelandse kerkbasaar slegs 'n hanetreetjie van die stad af. Kom ervaar plattelandse gasvryheid met lekker basaarkosse, trompoppies, toutrek en Nico Booijse wat musiek gaan maak. Wors en maaltjies word te koop aangebied. Ons gaan ook poog om 'n Delmas-rekord op te stel deur 500 persone se hare met 'n tydelike haarkleursel te kleur. Kom deel in die dag se pret!
- **Dis weer basaartyd!** Laat weet asseblief (taal@nhk.co.za) wanneer ons by julle heerlike pannekoek en basaarpoeding kan kom eet:
 - 30 Mei: Middelburg-Noord
 - 30 en 31 Mei: Standerton
 - 31 Mei: Culembeeck
Delmas
Hartbeesfontein
Lichtenburg
Malelane
Marble Hall
Primrose-Oos
Schoemansdal
- Die **Pastorie Gastekamers** in Polokwane bied gerieflike **oornagfasiliteite** op pad na die Krugerwildtuin of ander bestemmings in Limpopo. Elke kamer het 'n privaatingang, binnehof en selfsorgfasiliteite. Kontak ds Henk of Trudie Joubert (082 561 3799) vir meer inligting. Loer gerus [hier](#) na ons Facebook-blad.
- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekureit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

SP Engelbrecht-museum

- Jy en jou metgesel/gesin word hartlik uitgenooi na die **piekniekdag** by die SP Engelbrecht-museum wat op **24 Mei om 16:00** begin. Die hoogtepunt is die **storie- en musiekvertoning**, DIE-anner-LEWE, aangebied deur Spookstorie Produksies, wat om 18:00 afskop. Bevestig jou bywoning deur 'n e-pos, met jou kontakbesonderhede, te stuur aan: inligting@spookstories.co.za.

Toerusting

- Die **Werkgemeenskap Historiese Teologie (SA)** se **konferensie** vind op **12 tot 13 Augustus** by Gemeente Pretoria-Oos plaas. Hierdie jaar word Nicea 1700 gevier. Dit is belangrik dat kerke en akademici hierdie belangrike gebeure herdenk. Daarom word die bogenoemde konferensie beplan met die tema ***Skrif-Belydenis-Liturgie - Nadenke oor die Belydenis van Nicea***.

Die Werkgemeenskap Historiese Teologie (SA) in samewerking met die Departement Sistematiese en Historiese Teologie van die Universiteit van Pretoria nooi u uit om 'n voorstel in te dien vir 'n **akademiese bydrae** tydens die konferensie. Sprekers sluit in akademici van verskillende toonaangewende universiteite.

Tydlyn

- 31 Mei 2025: Opsomming word ingedien
- 12 Julie 2025: Finale program word uitgestuur
- Konferensie: 12 tot 13 Augustus 2025.

Meer inligting oor die konferensie sal nader aan die tyd in *Blitspos* gepubliseer word. Vir enige verdere navrae kontak gerus die volgende persone: prof WA Dreyer (wimdreyer@nhk.co.za) of dr Antionette Janse van Rensburg (antoejvr@gmail.com).

Barmhartigheid

- **NHSV-uitbetalings – Mei 2025:** Alle NHSV-takke en vrouelidmate word daaraan herinner dat die barmhartigheidsuitbetalings in Mei grootliks geoormerk word vir die ondersteuning aan bejaardes in nood. Die behoeftes vir barmhartigheid neem steeds toe en daarom is u bydraes en hulp van onskatbare waarde. Die NHSV-Hoofbestuur maak opnuut staat op elke gemeente en NHSV-tak se oop hand én hart wanneer dit kom by hierdie belangrike saak.

Bejaardesorguitbetalings vind jaarliks plaas om tekorte by die OTMT Ons Tuis-tehuse aan te vul ten opsigte van behoeftige inwoners, instandhouding en bedryfsuitgawes. Bejaardesorgfondse word ook aangewend vir spesiale gevalle buite die Ons Tuis-groep om bejaardes landswyd te ondersteun met spesiale behoeftes en versorging.

Die NHSV-uitbetalings vir Mei per gemeente/NHSV-tak is as volg:

- Bejaardesorg: R1.00 per belydende lidmaat
- Inrigtingsfonds: R1.00 per belydende lidmaat
- Administrasiefonds: R350.00 per gemeente
- Borgfonds OTMT: R300.00

Die Administrasiefonds word gebruik om die toekennings van studielenings aan te vul, uitgawes rondom die NHSV-Nasionale Kongres, streekbyeenkomste en NHSV-Hoofbestuurvergaderings te befonds asook administratiewe uitgawes van die NHSV-kantoor onder andere versending van pakkies na NHSV-takke en gemeentes, aandenkings en drukwerk vir streekbyeenkomste, ensovoorts.

Betaalstaat en inligting

Die betaalstaat is beskikbaar op die NHSV-webwerf: www.nhsv.org.za. Alle betalings moet die NHSV-Hoofbestuur verkieslik teen 31 Mei bereik. Betalings moet vergesel wees van 'n NHSV-betalstaat en kan oorbetal word na die volgende bankrekening:

Naam van rekeninghouer: NHSV Hoofbestuur

Bank: ABSA

Rekeningnommer: 405 145 4181

Takkode: 632005

Verwysing: Gemeente/NHSV-tak se naam

Stuur asseblief onmiddellik na die betaling elektronies of per bankdeposito gedoen is, beide die NHSV-betalstaat en bewys van betaling per e-pos aan die NHSV-kantoor by: finansies@nhsv.org.za. Kontak gerus die NHSV-kantoor 012 325 0117 of admin@nhsv.org.za vir meer inligting en hulp. Ons wil u by voorbaat bedank vir u liefdeswerk en barmhartigheid waar dit kom by die instansies wat deel vorm van die NHSV-Hoofbestuur se prioriteite.

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.

- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000
- Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.
- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
 - **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
 - **Athalia Uitreik in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, **moet dit 15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos.** **Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Here, ek vra vir wysheid,
want ek weet ware wysheid kom net van U af.
Dankie dat u Woord belowe dat U vir my wysheid sal gee
wanneer ek daarvoor vra.
Help my om elke dag die wysheid vir elke besluit te hê,
veral wanneer ek vinnig moet optree.
Help my om in enige situasie te weet wat om te doen
en wat om nie te doen nie.

Amen.

Uit: *Kragtige Gebed deur God se Woord*, Stormie Omartian, 2018

